

Ut ad praestantissimum *Kempensis* Exemplum redeam, scriptum est, non in charta vaga, quae deperdi possit, ut visum *Raym. Duellio* citato in *Debillioni* memorati *Disputatione* praevia p. 36. sed ad Codicis calcem fol. 194. *Ce liure est a monsieur de moulenbaix Baud. de lannoy. Balduinum* hunc *Lannojum* II. puto *Balduini* I. dicti *Balbi (le Begue)* filium, qui jam a. 1481. inter aurei *Velleris* Equites cooptatus est teste *J. Jac. Chiffletio* in *Insignib. Gentilit. Equit. &c. Antverp.* 1632. p. 54. 4. Fieri igitur potest, ut Codex noster vivo etiamnum *Thoma*, qui annum 1471. ultimum habuit, aut non diu post ejus fata scriberetur. Mansit ille in *Lannojorum* Domo; video enim in fol. praevio notatum: *Ce Liure est de francoise de barbanchon Dame Douagiere (Douairiere, angl. Dowager) de molembaix. Francisca* haec *Barbansonia* uxor fuit *Philippi Lannoji Balduino* supradicto progeniti, mortua a. 1555. quae quidem etiam filium *Balduini* nomine habuit, cujus tamen aetati character *Codicis* manifeste repugnat.

DCLXXXV.

U. 740 Codex chartaceus lat. Sec. XV. Folior. 270. f. per duas columnas non tamen una manu exaratus et rubricis distinctus inscribitur I. *Excerpta de Valerio (Max.) ad theologiam applicanda.* Commentaria igitur habemus in ejus *Libros IX. Dictorum Faetorum-*

que Memorabilium, sed limitata ad illud tantummodo, quod Religioni Christianae adcommodari potest, id, quod *Moralizare* dicebant boni Majores nostri. Initium est: *Urbis Rome exterarumque gentium facta simul ac dicta memoratu digna &c.* Sciendum quod hic ponentur notabiliora de *valerio maximo &c.* Expositio vero ipsa sic inchoat: *Majores statas &c.* In hoc primo Capitulo libri primi Sciendum quod totus liber *Valerij* habet 9. libros parciales &c. Si modicum in legendo progrediaris, observas Excerptorem nostrum usum fuisse *Declaratione Valerii Max.* conscripta a *Dionysio de Burgo s. Sepulcri* Ord. Erem. S. Aug. exeunte Sec. XIV. quam typis excusam *Fabricius* et *Ossingerus* ignorarunt, Exemplar autem char. lat. eleganti s. l. et a. f. mihi objacens loquitur. Adjecit tamen noster ad calcem *Valerii* eadem ratione moralizatam *Vitam Alexandri, Historiam Trojanam*, Narrationem de capta a. 1095. ingenio *Boamundi Antiochia*, et alteram de *Passagio Friderici I. Imp. in Palaestinam*, ejusque submersione, quam ita concludit: *Nota quod domini non debent singularizare, quia ille imperator noluit ire per viam quam ibat exercitus sed per compendium huius vadi igitur fuit submersus.* Omnia fabellis intricata.

II. fol. 89. Incipit Prologus *Pauli Orosij presbiteri ad Augustinum Episcopum.* Videlicet in *Libros VII. Historiarum*, quos *Vir hic Hispanus, Augustino* et *Hieronymo*

mo

mo amicus a. 417. eo fine absolvit, ut Gentiles confutaret turbarum et calamitatum publicarum causas in religionem christianam conjicientes. Initium Prologi: *Preceptis tuis pijs parvi beatissime pater Augustine &c.* Prologus hic procurrit usque ad verba: *similes miserias pertulisse;* ita, ut Opus ipsum inchoet: *Dicturus igitur ab orbe condito &c.* Alii Codices et Impressi aliter dividunt, ut videre est in Edit. *Sigeb. Havercampi Lugd. Bat. 1738. 4.* quacum contuli Exemplar nostrum, integrumque reperi et emendatae lectionis, si paucula quaedam excipias, ut in Prologo *praeceptis tuis pii pro praeceptis tuis,* item *hoc quod praeceperas pro praeciperes,* et *libris — historiarum atque annalium fastis pro historiarum atque annalium fastis &c.* quae *Havercampus* non notavit. Praeterea, quae Geographica praemisit *Orosius*, Codex noster tanquam *Προλεγόμενα* respicit, et quamvis inscribantur: *Incipit liber Pauli Orosij*, tamen, ubi ad Historica devenitur, nova Rubrica ait: *Incipit textus hystoriarum Pauli Orosij presbyteri ad Augustinum Episcopum contra accusationes temporum christianorum.* Ad calcem L. I. adscriptus est idem Computus, quem p. 84. in nota adtulit *Havercampus*, sed pro 4487. noster scripsit 4497. pro 5099. etiam 5199. Capita Librorum minio quidem distincta sunt, non tamen numerata. De antiquis *Orosii* Impressionibus egit Editor cit. in *Denis Codd. Theol. V. II. P. II.*

Praef. ubi primatum *Augustanae* per *Job. Schüssler* 1471. f. dubium reddere non debuisset.

III. fol. 187. et deinceps *Stephani Carthusiae Dolanensis*, dein *Olomucium* translatae Prioris *Medula Tritici* sive *Antimikleff*, quod Opus primum in Continente contra *Wiclefi* errores scriptum e Codice dictae Carthusiae erutum vulgavit *Bern. Pezius Thes. Anecdor. T. IV. P. 2. col. 149.* ad cuius *Dissertationem Isagog.* p. 11. etiam de Autore remitto. Memorat ibi *Pezius* plura, quae ad *Wiclefi* causam in eodem Codice extabant. Extant etiam in Nostro praesente, et quidem praevis ad *Antimikleffum*, unde illa referre mearum quoque partium est. Igitur 1) habetur Instrumentum Notarii autoritate munitum, quo XLV. *Job. Wiclefi* Articuli ex ejus Libris extracti, atque a Capitulo Ecclesiae *Pragensis* per *Job. Kbell* Officiale et *Wenceslaum* Canonicum et Archidiac. *Bechin.* Corpori Academico praesentati ab eodem condemnantur. Init: *In nomine domini. Amen. Anno natiuitatis eiusdem millesimo Quadringentesimo Indictione XI. die lune XXVIII. mensis maij hora vesperorum vel quasi, alias XVII. diei pontificatus Sanctissimi in christo patris et domini domini nostri Bonifacii diuina prouidentia pape noni Anno XIV. in maiori ciuitate pragen. In stuba facultatis collegij karoli in mei notarii presentis infra scripti testiumque presentia subscriptorum ad hoc specialiter vocatorum*

torum facta plena congregatione omnium magistrorum vniuersitatis studij pragen. de mandato honorabilis viri magistri Waltheri Regoris. diete Vniuersitatis per Hannsconem et Nicolaum album nuncios Juratos predictae Vniuersitatis vocatorum sub hac forma verborum. Hic recitatur Codicillus convocatorius, et ante quam ulterius procedam, noto, Librarium supra in anno consignando omisisse tertio; hunc enim et Indictio XI. et Bonifacii annus XIV. et ipsa petit Historia teste Bob. Balbino Bob. doctae P. I. p. 80. ubi tamen pro 28. Maji habetur 18. Item Rectorem Walthereum, cui per decursum cognomen est Harrazzer, ignotum Balbino fuisse. Narrat deinceps Notarius Michael, ut in calce, natus quondam Nicolai de prachaticz porrectos sibi duplices articulos in pergamento a Rectore publice praelegendos, quos etiam recitat hoc praefamine: *Hec Wikleff in Anglia que fuerunt condemnata Londonijs Anno domini Millesimo Tricentesimo Octuagesimo a tredecim Episcopis et Archiepiscopo Cantuarien. et a XXX^a Magistris in Theologia. Sequitur primus Articulus. Substantia materialis panis et vini manet in sacramento altaris &c.* prout habentur in *Cochlaei Hist. Hussit. L. I.* et in Concilii *Constant. Actis.* Omisit tamen Librarius iterum unitates; Concilium enim illud *Londini* celebratum est a. 1382. Lectis Articulis Walthereus Rector rogavit sententias

et secundum pluralitatem votorum conclusum fuit: quod nullus dogmatizet et predicet uel asserat publice uel occulte supradictos articulos — sub pena prestiti iuramenti. M. Job. Hussum huic Congregationi interfuisse, dubium vix est, jam a. 1393. creatum Baccalaureum. Concludit denique Notarius more consueto nominando etiam Testes, qui erant *Georg. Matbie de knyenicz, Nicolaus de ygla, Nicolaus de Yglauia Olomuc. dyoc. et Paulus Nicolai de alta muta (Hohenmaut) luthomissen. dioc. Scholares*, et singulare hoc adcurrationis suae subdit specimen: *Constat mihi Notario predicto de rasura in quarta linea a capite presentis instrumenti computando facta, que facta est non vito (invite) sed errore. Ignoscatis.* 2) Prosequitur Codex: *Non obstantibus premissis articulis tenorem infra scripte litere seu declarationis producant Wikleffite et in Vniuersitate pragen. produxerunt pro excusatione ipsius Wikleff ac pro defensione erroris sui qui sunt de secta sua. Creditur autem et verisimiliter putatur quod talis litera sub tali tenore per Cancellarium studii Oxonien. ac de scitu et consensu Vniuersitatis nunquam sit data. sed quod dolose sit excogitata et fabricata per illos qui sunt de secta sua. Sequitur igitur Testimonium illud impudenter confictum, ut ostendi Vol. I. P. 1. col. 875.* 3) *Sequitur responsalis ad ipsam (Literam) que enervat vigorem eiusdem litere per rationes et*

et scripturas. Facile credam hujus etiam Refutationis Autorem esse Stephanum Carthus. quae incipit: *Uniuersis orthodoxe fidei filijs et filiabus pari ihesu christi fide coequalibus &c.* et in qua dicitur *Oxonienſe* illud Commentum se usque ad summi pontificis *Alexandri V.* conspectum impudenter intulisse. Et nunc demum his veluti Documentis praemissis succedit fol. 191. supra dicta *Medulla Tritici* siue *Antiwicleſus* Comparatoris tamen, aut Scribae culpa non parum turbatus; a fol. enim 246. ad fol. 259. saltum facere oportet. Quae porro intercepta sunt, hic ediffero.

IV. fol. 247. Sermo de Visitatione B. V. *Mariae* in illud *Luc. I. 39.* *Exurgens Maria abiit &c.* hoc initio: *Non sunt loquere neque sermones, scilicet non littere uel etates quarum audiantur voces debite &c.*

V. fol. 254. p. 2. *Libri Wicleff* qui fuerunt in *Vniuersitate pragensi* *Archiepiscopo* presentati *XVI. Die* *Menſis Julij* in *Curia Archiepiscopali* ut fertur sunt cremati. Insuper *Proceſſus* *Infra scriptus* missus in *Olmuncz* ibidem *Die XXVII. dicti Menſis* publicatus existit. Et sequitur. *Initium: Swinko dei gratia pragen. Ecclesie Archiepiscopus Apostolice Sedis legatus Alme vniuersitatis Studij Pragen. Cancellarius Executor et Commissarius ad infra scripta a dicta sede Apostolica specialiter deputatus. Vniuersis &c. Noueritis quod cum dudum propter heresim errores et blasphemias &c. Man-*

dasse se, ut omnia *Wicleſi* *Scripta* ad *Cameram Thesaurarie curie Archiepiscopalis* examinanda comportarentur, plures gessisse morem, sed *Przybiconem de Huzna*, *Hrothonem de Podwek*, *Mitbabelem de Druowicz*, *Petrum de Valencia*, *Johannem de Landstein* et ipsis adherentes per *Procuratorem M. Marcum de grecz Regine Romam* adpellauisse, *Bulla* uero *Alexandri V.* quae hic, prout extat in *Balbini Miscell. Dec. I. L. 6. p. 152.* inseritur, ad se remissos fuisse. His igitur sub poena *Excommunicationis* praecipitur, ut *infra sex dies a notificatione seu publicatione presentium* omnia *Wicleſi* *Scripta*, quorum textitur *Catalogus*, in locum supra adsignatum conferant. *Acta sunt hec Prage in Curia nostra Archiepiscopali pragen. Sita in maiori Ciuitate* In presencia nonnullorum *Abbatum Priorum Prelatorum Doctorum Magistrorum Clericorum Scholarium et aliorum Christifidelium* ad sanctam *Synodum* congregatorum immediate post *Sermonem* ad *Clerum* in dicta sancta *Synodo* factum dum eidem *Synodo* personaliter presideremus feria secunda proxima in *Crastino Sancti Viti* que fuit *die XVI. Menſis Junij* hora quasi *terciarum* pontificatus *Sanctissimi in christo patris et domini Domini Johannis* diuina prouidentia *pape XXIII. Anno primo.* Presentibus ibidem *Venerabilibus uiris Johanne Kbel Canonico ecclesie pragen. Nicolao Zeystmaister Decretorum Doctore Vicario et officiali, Matthya Archidiacono*

1619

CODICES A

1620

dyacono luthomiczl. in dicta nostra ecclesia pragen. Secretario nostro, Johanne de Duba sancti Georgij in Castro, Nicolao de Znoyma Sancti Apollinaris pragen. Ecclesiarum Canonicis publicis notarijs ac alijs multis circa premissa testibus fide dignis. Anno domini M. Quadringentesimo Decimo Tercia Inditione. Atque haec omnia testimonio Notarii Petri nati quondam Matbie de Mokrsko Clerici Cracouien. Dyoc. corroborantur. Subscriptum: Finitus est ille libellus M. CCC^{mo}. XVII. In vigilia Sancti Andree Apostoli. Primaria haec ad nascentem in Bohemia Wiclefismum Documenta defuisse videntur Editoribus Operum Johannis Husi, qui quidem in iis adhuc post tabulam latet.

VI. fol. ult. p. 2. adscripta est Stephani Carth. nostri Epistola ad

*Cum nihil utilius humane credo saluti
Quam morum nouisse modos et moribus uti
Quod minus exequitur morosi dogma kathonis
Supplebo pro posse meo monitu rationis &c.*

Morosi dogma Catonis Disticha Dionysii Catonis intellige; non enim Nostro Morosus δυσκολος est, sed ἡθμος. Atque hac adpellatione comparet ipsemet in pluribus Sec. XV. Editionibus, dictus Facetus Morosus, ut in Quenteliana Coloniaensi s. a. 4. quae mihi adjacet, quaecum collatus Codex jam uberior est, jam contractior, praefertim circa finem, cui subscriptum: Explicit Morale Anno Domini MCCCC^o III. in Die sancti Amandi confessoris hora uesterti-

amicum Wilhelmum Kortelongensem Canon. Olomuc. qua Scriptum quoddam, quod Wilhelmus ab eo concinnari desiderauerat, comitatur, eumque oculis laborantem solatur. Scripti materies non exprimitur; enarrantur vero Stephani Lucubrationes I. cit. a Pezio. Dimidium praesentis Epistolae alterum iterum fol. 247. quaerendum est. Sed neque ibi finitur.

DCLXXXVI.

Codex chartaceus lat. Sec. U. 108 partim XIV. partim XV. Folior. 428. 4. per duas columnas exaratus et rubricis distinctus continet I. absque inscriptione Doctrinam de Moribus versu leonino conclusam hoc initio:

na. Autor hujus Carminis a pluribus Didascalis fortassis interpolati, qui Seculo XII. vixisse videtur, si fides ejus Commentatori in Edit. praedieta habeatur, fuit quidam regens parisiensis, qui, ut dicitur, nominabatur Facetus. Sed parum movet ejusmodi autoritas. Carmen ipsum cum Catone et aliis Ethicis iterum Coloniae 1520. 4. prelo subjectum est.

II. fol. 12. pernitiada, sed verborum contractionis nimium studiosa Sec. XIV. manu sequitur Com.